

Na osnovu člana 27. stav 1. tačka 21. Statuta Saveza općina i gradova Federacije Bosne i Hercegovine («Službene novine Federacije Bosne i Hercegovine», broj 29/08) i Odluke o izmjenama i dopunama Statuta Saveza općina i gradova Federacije Bosne i Hercegovine, broj: 161/09 od 16.04.2009. godine, Predsjedništvo Skupštine Saveza općina i gradova Federacije Bosne i Hercegovine na Petoj sjednici održanoj 23.04.2014. godine u Visokom d o n o s i

PRAVILNIK

o standardima obuke i stručnog usavršavanja službenika i izabраниh zvaničnika u jedinicama lokalne samouprave i postupku odobravanja programa stručnog usavršavanja

I - OPŠTE ODREDBE

Član 1.

(Predmet pravilnika)

Ovim Pravilnikom utvrđuju se standardi obuke i stručnog usavršavanja službenika i izabраниh zvaničnika u jedinicama lokalne samouprave, postupak odobravanja programa stručnog usavršavanja službenika i izabраниh zvaničnika u jedinicama lokalne samouprave kao i uslovi za izbor stručnjaka za ocjenu programa obuke i stručnog usavršavanja.

Član 2.

Standardi obuke i stručnog usavršavanja službenika i izabраниh zvaničnika u jedinicama lokalne samouprave (u daljem tekstu: Standardi) su dokument kojim se utvrđuje nivo kvaliteta koji treba da ispuni program obuke stručnog usavršavanja službenika i izabраниh zvaničnika u jedinici lokalne samouprave u pogledu pripreme, sadržaja, načina izvođenja i osiguranja kompetentnosti izvođača obuke.

Član 3.

Odobravanje programa obuke i stručnog usavršavanja službenika i izabраниh zvaničnika u jedinici lokalne samouprave (u daljem tekstu: program obuke) je propisani postupak kojim se na sistematičan način provjerava kvalitet programa obuke kroz provjeru usaglašenosti ponuđenog programa obuke sa zahtjevima Standarda utvrđenih ovim Pravilnikom.

Član 4.

Stručnjaci za ocjenu programa obuke su stručnjaci u relevantnim pravnim i drugim oblastima koje su predmet obuke i stručnog usavršavanja a koji se imenuju na Listu stručnjaka u skladu sa ovim Pravilnikom.

II - STANDARDI

Član 5.

(1) Standardi propisani ovim Pravilnikom obuhvataju ključne oblasti koje se tiču izrade i izvođenja programa obuke i stručnog usavršavanja i to:

- a) tematski sadržaj,
 - b) struktura i metodologija,
 - c) izvođenje obuke.
- (2) Standardi iz stava 1 ovog člana dati su u Prilogu 1 ovog Pravilnika koji čini njegov sastavni dio a objaviće se na internet stranici Saveza.

III - POSTUPAK ODOBRAVANJA PROGRAMA OBUKE

Član 6.

- (1) Postupak odobravanja programa obuke i stručnog usavršavanja provodi Komisija za ocjenu programa obuke (u daljem tekstu Komisija).
- (2) Komisiju imenuje Koordinaciono tijelo za obuku Federacije BiH.
- (3) U Komisiju se imenuju:
- a. stručnjak za relevantnu oblast obuke sa Liste stručnjaka za ocjenu programa obuke i
 - b. koordinator obuke u ADS/Savezu.

Član 7.

- (1) Komisija ocjenjuje program obuke kroz provjeru usaglašenosti predloženog programa obuke sa zahtjevima Standarda iz člana 5. stav 2 ovog Pravilnika.
- (2) Nakon završenog postupka ocjene programa obuke, komisija definiše izvještaj sa preporukom za odobrenje programa obuke.
- (3) U izvještaju komisija može da predloži da se :
- a) program obuke i stručnog usavršavanja odobri
 - b) program obuke i stručnog usavršavanja vrati na doradu sa određenim rokom za doradu,
 - c) program obuke i stručnog usavršavanja ne odobri.
- (4) Na osnovu izvještaja Komisije konačnu odluku o odobrenju programa obuke donosi Komisija za obuku/koordinaciono tijelo.

Član 8.

- (1) Stručnjaci sa Liste stručnjaka za ocjenu programa obuke za svoj rad u stručnoj komisiji za ocjenu programa obuke primaju naknadu.
- (2) Naknada za rad u komisiji za ocjenu programa obuke određuje se posebnom odlukom.

IV - IZBOR STRUČNJAKA ZA OCJENU PROGRAMA OBUKE

Član 9.

(Uslovi za izbor stručnjaka za ocjenu programa obuke)

Uslovi za izbor i imenovanje stručnjaka za ocjenu programa obuke su slijedeći:

- a) najmanje završen magisterij u predmetnoj oblasti, prednost imaju kandidati sa doktoratom ili
- b) 7 godina radnog iskustva u predmetnoj oblasti i
- c) najmanje 5 godina praktičnog radnog iskustva u oblasti obuke ili najmanje 5 godina iskustva u podučavanju/savjetovanju u relevantnoj oblasti obuke.

Član 10.

(Javni poziv za izbor stručnjaka)

- (1) Izbor i imenovanje stručnjaka za ocjenu programa obuke vrši se putem javnog poziva.
- (2) Javni poziv za imenovanje stručnjaka za procjenu programa obuke objavljuje se najmanje jednom godišnje na web stranici Saveza kao i u najmanje jednim dnevnim novinama koje se distribuiraju na teritoriji Bosne i Hercegovine.
- (3) Broj stručnjaka koji se bira za određenu oblast kao i dokumenti koje kandidati moraju dostaviti kao dokaz o ispunjavanju uslova utvrđenih u članu 9. ovog Pravilnika biće navedeni u javnom pozivu.

Član 11.

(Komisija za izbor stručnjaka za ocjenu programa obuke)

Kordinaciono tijelo za obuku Federacije BiH ocjenjuje ispunjenost uslova određenih članom 9. ovog Pravilnika, i predlaže Listu stručnjaka za ocjenu programa obuke.

Član 12.

- (1) Listu stručnjaka za ocjenu programa obuke i stručnog usavršavanja utvrđuje Predsjedništvo Skupštine Saveza općina i gradova Federacije BiH.
- (2) Lista stručnjaka za ocjenu programa obuke i stručnog usavršavanja se objavljuje na web stranici Saveza.

V - ZAVRŠNE ODREDBE

Član 13.

- (1) Ovaj Pravilnik stupa na snagu narednog dana od dana usvajanja od strane Predsjedništva Skupštine Saveza općina i gradova Federacije BiH.

Prilog 1- Standardi obuke i stručnog usavršavanja službenika i izabranih zvaničnika u jedinici lokalne samouprave